

SABAHUDIN DELALIĆ
Zastupnik u Skupštini Kantona Sarajevo
Stranka demokratske akcije

KANTON SARAJEVO
Vlada Kantona Sarajevo
Ministarstvo komunalne privrede
Ministarstvo prostornog uređenja, građenja i zaštite okoliša
Ministarstvo saobraćaja
Ministarstvo zdravstva

Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) pokrećem

ZASTUPNIČKU INICIJATIVU

Iniciram da se HITNO zaboravi na sve projekte osim na nabavku većeg broja tramvaja i trolejbusa kako bi se smanjila zagađenost zraka u Kantonu.

O B R A Z L O Ž E N J E

Posljednjih dana se doslovno gušimo u smogu opasnom po zdravlje. Vlada nam samo izdaje neka saopštenja i „UPOZORENJA“.

Ne vidim da se išta dešava na terenu, ne vidim to mokro pranje ulica, ne vidim smanjeno kretanje vozila i ljudi. Jedino šta osjetim je da su nam smanjili temperaturu zagrijavanja stanova. Ljudi, mi lagano umiremo, gušimo se iz godine u godinu svaki mjesec zimi sve duže i sve gore. Istini za volju, nismo jedini, ima još gradova u svijetu. Evo Pariz je prošle godine uveo obavezu vožnje „par-nepar“, ali je istovremeno omogućio besplatan javni prijevoz za sve stanovnike. To je isto učinio i Peking. Svi shvataju visinu rizika po ljudsko zdravlje.

Sedamdesetih godina vlasti u Sarajevu su prepoznale problem i povećali broj tramvaja, uveli trolejbus, pokrenuli milionski projekat toplifikacije i gasifikacije grada, sve s ciljem da se što manje lože čvrsta goriva. I pred Olimpijadu su polutanti u zraku bili smanjeni za polovicu.

Ljudi, učite iz istorije. Tražite partnere po svijetu, kandidujte projekte HITNO. Zaboravite kredite za sve ostalo, samo ulažite u ovo, jer svi ti projekti neće biti od koristi pošto ćemo svi polako izumrijeti od trovanja zrakom.

Sarajevo, 11.12.2019.godine

ZASTUPNIK

Sabahudin Delalić